

Inatsisissatut siunnersuummut nassuiaatit
Nassuiaatit nalinginnaasut

1. Aallaqqaasiut

Nunatsinni umiarsualiviit imarsiornermik inuussutissarsiuteqartunit angisuunit assartukkanik tiguisinnaallutillu nassiussinnaanissaat kiisalu sullissinnaanissaat, matumanilu aalisarnermik inuussutissarsiuteqartut kiisalu umiarsuarnut ilaasut sullinneqarsinnaanissaat Naalakkersuisut anguniagaraat. Taamaaliortoqassappat umiarsualivinni aningaasaliisoqartariaqarpoq. Aningaasartuutit Nunatta karsianit akilerneqassanngippata aserfallatsaaliinermut, ingerlatsinermut, nutarsaanermut ilaatigullu alliliinermut atorneqartussanik aningaasartuutinik matussusiisussanik umiarsualiviit arlallit aningaasaqarnikkut immikkut napatittut pilersinneqartariaqarput.

SIKUKI Nuuk Harbour A/S nunatta sinnerani umiarsualivinni atuinermut akiliuteqartarnermik atuutsitsilernissamut ikorfartuutaasinnaasunik immikkut piginnaasaqarlunilu misilittagaqarpoq. Sikuki Nuuk Harbour A/S pillugu inatsisitigut tunngaviani atuuttumi ingerlatseqatigiiffik Nuummi taamaallaat umiarsualivimmik attaveqaataasumik piginnittussaavoq. Tamanna Sikuki Ports A/S-ip Nuup avataani umiarsualivinnik pisinissaminut, attartuinissaminut, sanaartornissaminut ingerlatsinissaminullu aporfigaa. Taamaalilluni Nunatsinni illoqarfiit pingaarnersaaniinnaq Sikuki Nuuk Harbour A/S-ip umiarsualivimmik niuernerpalaartumik ingerlatsinissamut tunngasunik piginnaasaanik kisimi iluaquteqarsinnaavoq.

”SIKUKI Nuuk Harbour A/S aamma Nuummi umiarsualiviliorneq pillugit Inatsisartut inatsisaata” allanngortinnissaanut siunertaavoq, Sikuki Nuuk Harbour A/S-ip Nunatsinni tamarmi umiarsualivinnik sanaartornissamut, pisinissamut, piginnittuunissamut ingerlatsinissamullu inatsitigut tunngavilernissaata qulakkeernissaa, taamaaliornikkut umiarsuarnik attaveqaatit nukittorsarneqassallutik. Siunertamut tassunga naapertuuttumik siunnersuummi ingerlatseqatigiiffik Sikuki Ports A/S-imik taaguuteqartinneqarpoq.

Taamaaliornikkut Sikuki Ports A/S-ip piginnaasarilersimasaanik Naalakkersuisut atuisinnaalissagalarput Nunatsinni tamarmi umiarsuarnik ingerlatsinerni niuerneq tunngavigalugu ingerlanneqarnissaannut ineriartortitsinissamut ikorfartuutaasinnaasunik. Umiarsualivinnik niuerneq tunngavigalugu ingerlatsinissami siunertaavoq, inuussutissarsiortut pisariaqartitaat naammassissallugit kiisalu ullutsinnut naleqquttunik aamma isumannaatsunik illersorneqarsinnaasunik umiarsualiveqarnissap qulakkeernissaa, taamaaliornermi Nunatta karsia oqimaatsorsiortinngikkalarlugu.

Sikuki Ports A/S-ip umiarsualivimmi nunaminertanik attartuisitsisinnaanera inatsisitigut tunngavissaqarnerseqqat nallorissutiginneqartarsimavoq. Siunnersuutikkut ugguuna Sikuki Ports

A/S-ip umiarsualivimmi nunaminertanik attartuitsitsisinaanera pillugu erseqqisummik inatsisitigut tunngavissinnissaa qulakkeerneqassaaq.

Umiarsualivinni nunaminertanik attartortitsisarneq umiarsualivinnik niuerneq tunngavigalugu ingerlatsinermi nunani allani atugassarititat assigalugit ingerlatsinissamut tunngaviuvoq. Attartortitsinermi akiliut attartornertut nalinginnartut, kaaviiartitaqarnissamut qularnaveeqquteqarnikkut assigisaanilluunniit sulianit ataasiakkaanit nalilersuinikkut akileqquneqartarsinnaavoq.

Umiarsualivinnik taakkunungalugu atasunik nunaminertanik sanaartorneq akisuupilussuuvoq. Isertitsiffiusinnaasut arlalinnut assigiinngissitaarnerisigut umiarsualivimmut Naalakkersuisunullu naalakkersuinikkut kissaatit naapertorlugit akit nalimmassarnissaannut periarfissanik arlalinnik pilersitsisoqassaaq.

Umiarsualivimmi nunaminertanik attartortitsisinaanermut periarfissat pillugit nalornisueruppat umiarsualivimmik attartortitsisinaanermut periarfissat pitsaanerulissapput. Taamaaliornikkut umiarsualivinnik attaveqaatinut aningaasaliisinaanerat amerlineqassapput taamaaliornermilu innuttaasunut suliffeqarfinnullu nunatsinni umiarsualivinnik atuisartunut pissutsit pitsaanerulersinnaapput.

2. Siunnersuutip immikkoortui pingaarnerit

”SIKUKI Nuuk Harbour A/S aamma Nuummi umiarsualiviliorneq pillugit Inatsisartut inatsisaat” allanngortinniarneqarpoq Sikuki Ports A/S-ip Kalaallit Nunaanni umiarsualivinnik sanaartornissamut, attartortitsinissamut, pisinissamut, piginnittuunissamut ingerlatsinissamullu inatsisitigut tunngavissinnissaa siunertaalluni.

Tamanna anguniarlugu inatsisip aqqanik allannguisoqarpoq. Tassani inatsimmi takutinniarneqarpoq Sikuki Ports A/S nuna tamakkerlugu sulisinnaassaguni aqqa “Nuummi umiarsualiviliornermut” killeqartinneqartariaqanngitsoq. Tamanna malinniarlugu siunnersuummi ingerlatseqatigiiffik Sikuki Ports A/S-iinnartut taagorneqarpoq.

Inatsisip paragrafianut § 1, imm. 4-mi oqaaseq "pisisinnaavoq" ilanngunneqarpoq, tassanilu ersersinniarneqarluni inatsimmi ilaatinneqassasoq umiarsualivimmik pisineq, umiarsualivinnik sanaartorneq, piginnittuuneq ingerlatsinerlu kisiisa pinnagit. Aammattaaq § 1, imm. 4-mi "Nuummi" oqaatsinik ukunangga taarserneqarpoq "Kalaallit Nunaanni" inatsimmik allannguinissami siunertarineqartut pingaarnerit naapertorlugit.

Taakku saniatigut inatsimmilu allassimasuni iluarsiiinerit kingunerisaannik iluarsiiissutissanik siunnersuut imaqarpoq, taamaaliornikkut Sikuki Ports A/S Kalaallit Nunaanni tamarmi umiarsualivinnik ingerlatsinissamut Nuummisut inatsisitigut tunngavissinneqarluni.

3. Pisortanut aningaasaqarnikkut allaffissornikkullu kingunerisassat

Sikuki Ports A/S-ip umiarsualiviit, tassunga sanaartukkat illuutillu atasut ilanngullugit pigai, aserfallatsaalisarlugit, nutarterlugit ingerlallugillu kiisalu taamaaliormi suliffeqarfinnik assingusunik niuernerpalaartumik tunngaveqarluni ingerlatsinissamut tunngavissinneqarluni. Maanna umiarsualivinni najukkami oqartussat sullissinerminni Nunatta karsianit akilerneqartarput, umiarsualivinnik atuinnermut akiliuteqartitsisarneq Kalaallit Nunaanni taamaallaat Nuummi atorneqarpoq. Umiarsualiviit niuernerpalaartumik ingerlanneqartussat, namminneq aningaasartuutitik aallaaviatigut matussusertassavaat.

Sikuki Ports A/S niuernerq tunngavigalugu ingerlatsinini tunuliaqutaralugu umiarsualivinnik tiguneqartunik ingerlatsinermut, aserfallatsaaliinnermut nutarsaanermullu akiliisassaaq. Sikuki Ports A/S-ip umiarsualiviit tamaasa, amerlanersaalluunniit, umiarsualivinnik aserfallatsaaliinissamut nutarsaanissamullu aningaasaliissutissanik qulakkeerinninniarluni sullissinissamut isumaqatigiissusiortoqarnissaa pisariaqarsinnaavoq.

4. Inuussutissarsiortunut il.il. aningaasaqarnikkut allaffissornikkullu kingunerisassai

Siunnersuut inuussutissarsiortunut aningaasaqarnikkut allaffissornikkulluunniit imminermi kinguneqarnaviannigilaq. Sikuki Ports A/S Nuummi umiarsualivinnik ingerlatsilluni suliffeqarfimmik ingerlatsivoq. Sikuki Ports A/S atiminik allannqortitsinerminut atatillugu aningaasartuuteqartussaavoq, tassami allagartat, logot allakkanullu pappialat il.il. assigiinngitsut taarsersortussaagamigit. Naliliisoqarpoq aningaasartuutissat taakkua annertuumik sunniuteqassanngitsut.

Siunnersuut umiarsualiviit pillugit Inatsisartut inatsisaannut ataneqartillugu isigineqassaaq. Umiarsualiviit pillugit Inatsisartut inatsisissaat umiarsualiviit namminersortunit ingerlanneqarnerannut inatsisitigut sinaakkutissat pilersinneqassapput, umiarsualivimmik nunami sanaartugartaqartumik atuinnermut akiliisitsisalernissamik periarfissaqarluni, tak. umiarsualiviit pillugit Inatsisartut inatsisaanni § 16. Sikuki Ports A/S-imik tunniussinermi Sikuki Ports A/S umiarsualivinnik ingerlatsinermut aserfallatsaaliinnermullu aningaasaliissutissanik umiarsualivinnik atuinnermut akinik atuutsitsilersinnaavoq. Siunissami umiarsualivinnik atuinnermut akigitinneqarsinnaasut Naalakkersuisunit akuerineqassapput.

5. Avatangiisinut, pinngortitamut inuillu peqqissusaannut kingunerisassat

Siunnersuut avatangiisinut pinngortitamullu kinguneqaateqanngilaq.

6. Innuttaasunut kingunerisassat

Siunnersuut innuttaasunut allaffissornikkut toqqaannartumik kinguneqassanngilaq. Sikuki Ports A/S umiarsuarnik nunami sanaartugartaqartunik illuuteqartunillu kiisalu assingusunik suliffeqarfinnik pisissaguni ingerlatsissaguniluunniit Sikuki Ports A/S

kiffartuussinernik siornatigut amerlanernik sullissisinnaalissaaq. Sikuki Ports A/S-imik tunniussinermi Sikuki Ports A/S umiarsualivinnik ingerlatsinermut aserfallatsaaliinermullu aningaasaliissutissanik umiarsualivinnik atuinermut akinik atuutsitsilersinnaavoq. Siunissami umiarsualivinnik atuinermut akigitinneqarsinnaasut Naalakkersuisunit akuerineqassapput.

7. Kingunerisassat pingaarnerit allat

Naliliisoqarpoq siunnersuut pingaaruteqartunik allanik kinguneqassanngitsoq.

8. Oqartussanut kattuffinnullu il il tusarniaaneq

Siunnersuut xx. QAAMMAT 2025-mi tusarniaanermut nittartakkami uani www.naalakkersuisut.gl-imi tamanut saqqummiunneqarpoq, kingusinnerpaamik tusarniaanermut xx.-mut akissuteqarfissalerlugu. QAAMMAT 2025.

Siunnersuut piffissami xx. QAAMMAT xx.mit QAAMMAT 2025-mut tusarniaaffiusunut ukununga tusarniaassutigineqarpoq:

Naalakkersuisut Siulittaasuata Naalakkersuisoqarfia
 Aningaasaqarnermut Akileraartarnermullu Naalakkersuisoqarfik
 Naalagaaffinngornissamut Nunanullu Allanut Naalakkersuisoqarfik
 Aalisarnermut Piniarnermullu Naalakkersuisoqarfik
 Isumaginninnermut, Ilaqutariinnut, Suliffeqarnermut Nunamullu Namminermut Naalakkersuisoqarfik
 Ilinniartitaanermut, Kultureqarnermut Ilageeqarnermullu Naalakkersuisoqarfik
 Inuussutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoqarfik
 Nunalerinnermut, Imminut Pilersornermut, Nukissiutinut Avatangiisinullu Naalakkersuisoqarfik
 Meeqqanut Inuusuttunullu Naalakkersuisoqarfik
 Peqqissutsimut Naalakkersuisoqarfik
 Kommune Kujalleq
 Kommuneqarfik Sermersooq
 Qeqqata Kommunia
 Kommune Qeqertalik
 Avannaata Kommunia,
 KANUNUPE
 Nusuka
 Sulisitsisut

Ilanngussamut 2-mut aamma tusarniaanermi akissutitut tiguneqartunut innersuussisoqarpoq.

Inatsisissatut siunnersuummi aalajangersakkanut ataasiakkaanut nassuiaatit*§ 1-imut*

Nr. 1-imut

Sikuki Ports A/S-ip Nuummi nunattalu sinnerani umiarsualivinnik sanaartornissamut, pisinissamut, piginnittuunissamut ingerlatsinissamullu allannguutissatut siunnersuummi siunertarineqarput.

Siunertaq tamanna "SIKUKI Nuuk Harbour aamma Nuummi umiarsualiviliorneq pillugu Inatsisartut inatsisaat nr. 17 3. juni 2015-imeersoq"-mut allannguutissatut inatsisiliornikkut anguniarneqarpoq.

Siunertaq anguneqassappat siullertut inatsisip aqqanik allannguisoqartariaqarpoq. Tassani siunertarineqarpoq inatsit Sikuki Ports A/S nuna tamakkerlugu atuutilissappat "Nuummi umiarsualiviliorneq"-mut killiliilluni inatsit ateqartariaqanngimmat. Siunertaq tamanna malillugu ingerlatseqatigiiffik siunnersuummi taamaallaat taaneqartarpoq Sikuki Ports A/S. Taassuma kingorna inatsisip aqqa imaalissaaq Sikuki Ports A/S pillugu Inatsisartut inatsisaat.

Nr. 2-mut

§ 1, imm. 2 ima allannguuteqartinnissaa siunnersuutigineqarpoq: "Ingerlatseqatigiiffiup aqqa tassaavoq Sikuki Ports A/S. Ingerlatseqatigiiffik saniatigut taaguutini atorlugu suliaminik ingerlatsisinnaavoq." Ingerlatseqatigiiffiup aqqa allanngortinniarneqarpoq Sikuki Ports A/S-ip Kalaallit Nunaanni tamarmi umiarsualivinnik piginnittuulluni ingerlatsisinnaanera ersarissarniarlugu.

Nr. 3-mut

§ 1, imm. 4, imatut oqaasertalernissaa siunnersuutigineqarpoq: "Ingerlatseqatigiiffiup siunertaraa niuernermik tunngaveqartumik umiarsualivinnik Kalaallit Nunaanni nunami sanaartugartaqartunik taakkunungalu assingusumik suliffeqarfittaqartunik sananissaq, pisinissaq, piginnittuunissaq aamma ingerlatsinissaq."

Taamaalilluni oqaaseq "pinisissaq" ilanngunneqarpoq ersersinniarlugu inatsit pisinissamik ilaneqartoq umiarsualivinnik sanaartorneq, piginnittuuneq ingerlatsinerlu kisiisa pinnagit. "Nuummi" peerlugu "Kalaallit Nunaanni" atulernissaa siunnersuutigineqarpoq, siunertarineqartoq naapertorlugu Sikukip Nuummi Nunattalu sinnerani sulisinnaanissaa ersarissarniarlugu. Aamma "illuutit" ilanngunneqarput tamatuma niuernermik ingerlatsivittut immikkoortutut inissisimanera ersersinniarlugu.

Nr. 4-mut

Immikkoortumut qulequttamut *Sanaartugaq* ima oqaasertalerneqassaaq: "Sanaartukkat", allannguinnikkut Nuummi umiarsualivimmi sanaartukkat kisimik pineqannginnerat ersarissarnerpoq.

Nr. 5-imut

§ 5, imm. 1-imi ingerlatseqatigiiffiup aqqa kisiat allanngortinneqarpoq.

Nr. 6-imut

§ 5, imm. 2-mi allannguutissat siunnersuutigineqarput Nuup pillugu nunap assinga ilanngussatut kakkiiunneqarsimanngimmat inatsimmilu maannamut tassunga oqaasertai kukkusuusimammata.

Taamaammat siullertut § 5, imm. 2-mi oqaaseqatigiit aappaat pingajuallu peerneqassasut:

"Nuup umiarsualivianut nutaamut nunami sanaartugartaqartumut nunap assinga ilanngussaq 1-itut ilanngunneqarpoq. Nunap assinga ilanngussaq ilitsersuussutaavoq."

§ 5, imm. 2-mi oqaasertat imaalissapput: "Umiarsualivik nutaaq talittarfeqartillugu, umiarsualiviup iluani assartuussinermut aqqusineqartillugu aamma usinik uninngasuuteqarnissamut passussinissamullu nunaminertaqartillugu sananeqassaaq. Annertussusaa, inissisimaffia aamma ilusilersorneqarnera inaarutaasumik pilersaarusiorneqarneranut sananeqarneranullu ilaatillugu allanngortinneqarsinnaapput."

Nr. 7-imut

§ 6-ip oqaasertaasa ima allanngortinnissat siunnersuutigineqarpoq: "Sikuki Ports A/S ingerlatseqatigiiffiup siunertaata iluani illuutitik sanaartorlunilu piginnittuusinnaavoq, tak. § 1, imm. 4 aamma 5, matumanilu quersuaq, sannavik, allaffeqarfiit il.il. Illuutit umiarsualivimmilu nunaminertat umiarsualivinnik ingerlatsinermut atatillugu attartortinneqarsinnaapput." Allannguinnikkut ingerlatseqatigiiffiup aqqa allanngortinneqarpoq, taamaaliornikkut ingerlatseqatigiiffiup siunertaata iluani illuutitik sanaartorsinnaallunilu piginnissinnaalernissaa, matumanilu pisisinnaanissaa, qulakkeerneqarluni. Taakku saniatigut allannguinnikkut ingerlatseqatigiiffiup umiarsualivinnik suliaqarnerminut atatillugu umiarsualivinni nunaminertanik attartuisinnaanera qulakkeerneqarpoq. Attartuineq nalinginnartut attartuinermin akiliuteqarnermik, kaaviiartitaqartussaataitanermik qulakkeerinnittumik assigisaanillu suliat ataasiakkaat naliliiffiginerisigut akilersorneqarsinnaapput.

Nr. 8-mut

Aalajangersakkamik allannguinnikkut Sikuki Ports A/S Kalaallit Nunaanni tamarmi umiarsuarnik ingerlatsisinnaanera ersarissarneqarpoq.

Nr. 9-mut

Aamma § 7, imm. 2-p atorunnaarnissaa siunnersuutaavoq: "Aqqusernit aqqusersuutillu ingerlaarfissaannut nunap assinga ilanngussaq 2-itut ilanngunneqarpoq. Nunap assinga ilanngussaq ilitersuussutaavoq." Annertussusaa, inissisimaffia aamma ilusilersorneqarnera inaarutaasumik pilersaarusiorneqarneranut sananeqarneranullu ilaatillugu allanngortinneqarsinnaapput."

§ 7-ip oqaasertaa tamatuma kingorna ilaalissaaq: "Naalakkersuisut nuna tamakkerlugu pilersaarusiordermi soqutigisanik isumaginninnermut ilaatillugu, Nuummi umiarsualivimmik nutaamik sananermut atatillugu kommunip sanaartorfigiuminarsaaneranut aningaasartuutit aammalu akilernissai pillugit isumaqatigiissuteqarsinnaapput."

Nr. 10-mut

Aalajangersakkamik allannguinnikkut ingerlatseqatigiiffiup Nuummi umiarsualivimmik ingerlatsisinnaaneratut Kalaallit Nunaanni tamarmi umiarsualivinnik ingerlatsisinnaaneranik qulakkeerinnittoqassaaq.

Nr. 11-mut

Aalajangersakkamik allannguinnermi ingerlatseqatigiiffiup aqqanik allannguisoqarpoq, soorluttaaq ingerlatseqatigiiffik siunertami iluani aningaasalersuinissamut atugassanik attartorsinnaalerneru qulakkeerneqarluni.

Nr. 12-imut

Allannguinnikkut ingerlatseqatigiiffiup inatsimmi matumani pineqartumut atatillugu suliai pisortanut naqissusiinnermut akitsuusiinnikkut akileraaruserneqassanngitsut qulakkeerneqarpoq.

§ 2-mut

Siunnersuutigineqarpoq allannguutissatut siunnersuut ulloq 1. januar 2026 atuutilissasoq.

Ilanngussaq 1

<i>Siunnersuut inatsimmut atuuttumut sanilliullugu</i>	
<i>Oqaasertaliunneqartut atuuttut</i>	<i>Siunnersuut</i>
	§ 1 SIKUKI Nuuk Harbour A/S aamma Nuummi umiarsualiviliorneq pillugu Inatsisartut inatsisaanni nr. 17, 3. juni 2015-imeersumi tulliuttunik allanngortitsisoqarpoq:
SIKUKI Nuuk Harbour aamma Nuummi umiarsualiviliorneq pillugu Inatsisartut inatsisaat	1. Najoqqutassap <i>qulequtaa</i> imatut oqaasertalerneqarpoq: ”Sikuki Ports A/S pillugu Inatsisartut inatsisaat”.
§ 1, imm. 2: <i>Imm. 2.</i> Ingerlatseqatigiiffik taaguuteqarpoq SIKUKI Nuuk Harbour A/S. ingerlatseqatigiiffik allanik saniatigut taaguuteqartunik suliffeqarfimmik ingerlatsisinnaavoq.	2. § 1, imm. 2, imatut oqaasertalerneqarpoq: ” <i>Imm. 2.</i> Ingerlatseqatigiiffiup aqqa tassaavoq Sikuki Ports A/S. Ingerlatseqatigiiffik taaguutini atorlugu suliaminik saniatigut ingerlatsisinnaavoq.”
§ 1, imm. 4: <i>Imm. 4.</i> Ingerlatseqatigiiffiup siunertaraa niuermik tunngaveqartumik umiarsualivimmik Nuummi nunami sanaartugartaqartumi taassumunngalu assingusumik suliffeqarfittaqaartumik sananissaq, piginnittuunissaq aamma ingerlatsinissaq.	3. § 1, imm. 4, imatut oqaasertalerneqarpoq: ” <i>Imm. 4.</i> Ingerlatseqatigiiffiup siunertaraa niuermik tunngaveqartumik Kalaallit Nunaanni umiarsualivinnik nunami sanaartukkanik ilaqartunik illuuteqartunillu taassumunngalu assingusumik suliffeqarfittaqaartumik sanaartornissaq, piginnittuunissaq ingerlatsinissarlu.”
§ 4 kingorna qulequtaa <i>“Sanaartukkat”</i>	4. § 4 kingorna qulequtaa imatut allanngortinneqarpoq: <i>” Sanaartukkat”</i>
§ 5, imm. 1: SIKUKI Nuuk Harbour A/S Nuummi umiarsualivissap nutaap	5. § 5, imm. 1, imatut oqaasertalerneqarpoq:

pilersaarusiorneqarnera sananeqarneralu isumagissavaa. Umiarsualivik nutaaq Umiarsualiviup qeqertaanni sananeqassaaq.	” Sikuki Nuuk Harbour A/S-ip Nuummi umiarsualivissap nutaap pilersaarusiorneqarnera sananeqarneralu isumagissavaa. Umiarsualivik nutaaq Umiarsualiviup qeqertaanni sananeqassaaq.”
§ 6 SIKUKI Nuuk Harbour A/S Nuummi umiarsualivimmi nutaami illuutunik arlalinnik sanaartorsinnaavoq, ilanngullugit quersuaq, sullivik, allaffeqarfiit illutaat il.il. Illuutit umiarsualiviup ingerlanneqarneranut ilaatillugu attartortinneqarsinnaapput.	6. § 6 imatut oqaasertalerneqarpoq: “ § 6. Sikuki Ports A/S ingerlatseqatigiiffiup siunertaata iluani illuutunik sanaartorlunilu piginnittuusinnaavoq, tak. § 1, imm. 4 aamma 5, matumanilu quersuaq, sannavik, allaffeqarfiit il.il. Illuutit umiarsualivimmilu nunaminertat umiarsualivinnik ingerlatsinermut atatillugu attartortinneqarsinnaapput.”
§ 7, imm. 1: Naalakkersuisut nuna tamakkerlugu pilersaarusiormi soqutigisanik isumaginninnermut ilaatillugu, Nuummi umiarsualivimmik nutaamik sananermut atatillugu kommunip sanaartorfigiuminarsaananeranut aningaasartuutit aammalu akilernissai pillugit isumaqatigiissuteqarsinnaapput.	7. § 7, imm. 1, imatut oqaasertalerneqarpoq: “Naalakkersuisut nuna tamakkerlugu pilersaarusiormi soqutigisanik isumaginninnermut ilaatillugu, Sikuki Ports A/S-ip Kalaallit Nunaanni umiarsualivinnik nutaanik sanaartorneranut atatillugu kommunit sanaartorfigissaanermut aningaasartuutit aammalu akilernissai pillugit isumaqatigiissuteqarfigisinnaavai.”
§ 7, imm. 2: <i>Imm. 2.</i> Aqqusernit aqquersuutillu ingerlaarfissaannut nunap assinga ilanngussaq 2-itut ilanngunneqarpoq. Nunap assinga ilanngussaq ilitersuussutaavoq. Annertussusaa, inissisimaffia aamma ilusilersorneqarnera inaarutaasumik pilersaarusiorneqarneranut sananeqarneranullu ilaatillugu allanngortinneqarsinnaapput.	8. § 7, imm. 2, atorunnaarsinneqarpoq.
§ 8 Naalakkersuisut Nuummi umiarsualivimmik nutaamik nunami sanaartugartaqartumik	9. § 8 imatut oqaasertalerneqarpoq: ” § 8. Naalakkersuisut Sikuki Ports A/S-ip Kalaallit Nunaanni umiarsualivinnik

aamma illuutitaqartumik sananermut aalajangersakkat erseqqinnerusut pilersaarusiornermi nuna tamakkerlugu malitassani akuerisinnaavaat. <i>Imm. 2.</i> Naalakkersuisut aalajangiisinnaapput, pilersaarusiornermi nuna tamakkerlugu malitassat, sumiiffiup ilaata Nuummi nutaamik umiarsualivimmik nunami sanaartugartaqartumik illuutitaqartumillu sananermut atorneqarnissaanut sukumiisunik aalajangersagartaqartoq, kommunimut pilersaarutitut inatsisitigut sunniuteqassasut.	nutaanik nunami sanaartugartaqartumik aamma illuutitaqartumik sanaartorneranut aalajangersakkat erseqqinnerusut pilersaarusiornermi nuna tamakkerlugu malitassani akuerisinnaavaat. <i>Imm. 2.</i> Naalakkersuisut pilersaarusiornermi nuna tamakkerlugu malitassat, sumiiffiup ilaata Sikuki Ports A/S-ip nutaanik umiarsualivinnik nunami sanaartugartaqartunik illuutitaqartunillu sananeranut atorneqarnissaanut sukumiisunik aalajangersagartaqartumik kiisalu ingerlatseqatigiiffiup umiarsualiviinik pioreersunnik nunami sanaartugartalinnik illuutitalinnillu annertusaanissamut aalajangiisinnaapput, kommunimut pilersaarutitut inatsisitigut sunniuteqartussanik.”
§ 10 SIKUKI Nuuk Harbour A/S Nuummi umiarsualivimmik nutaamik sananissamut pilersaarusiornernup sananerullu aammalu umiarsualivimmi illuutininik arlalinnik sananerup, aningaasalersorneqarnissaannut taarsigassarsinnaavoq. Ataatsimeersuarnermi ingerlatseqatigiiffiup taarsigassarsinissaa akuersissuteqarfigineqassaaq.	10. § 10 imatut oqaasertalerneqarpoq: “ § 10. Sikuki Ports A/S siunertaminut tunngasunik aningaasalersuinissamut attartugaqarsinnaavoq, tak. § 1 imm. 4 aamma 5.”
§ 11 Allakkiat uppernarsaatit, taarsigassarsinermut uppernarsaatit, pappialanngortitat aamma uppernarsaatit atsiukkat il.il. sanaartornermut inatsimmi matumani pineqartumut atatillugu suliarineqartut, pisortanut naqissusiinermut akitsuusiinikkut akileraaruserneqassanngillat.	11. § 11 imatut oqaasertalerneqarpoq: ” § 11. Allagaatit, taarsigassarsinermut uppernarsaatit, pappialanngortitat aamma uppernarsaatit atsiukkat il.il. Sikuki Ports A/S-ip sanaartornermut inatsimmi matumani pineqartumut atatillugu suliarineqartut, pisortanut naqissusiinermut akitsuusiinikkut akileraaruserneqassanngillat.”
	§ 2

	Inatsisartut inatsisaat ulloq 1. januar 2026 atuutilerpoq.
--	---